

Саҳобаларнинг Умар розияллоҳу анҳуга муҳаббатлари



08:05 / 28.10.2019 2830

Жаъфар ибн Муҳаммад отасидан ривоят қилади: «Умар ибн Хаттоб розияллоҳу анҳу жанглардан бирида яраландилар. Бадрда қатнашганлар, муҳожир ва ансорлар у киши ётган жой яқинига тўпланишди. Шунда Умар розияллоҳу анҳу Ибн Аббос розияллоҳу анҳуга: «Чиқиб сўра-чи, улар бу ерга менга етган жароҳат туфайли йиғилишдимикан?» деди. Ибн Аббос розияллоҳу анҳу чиқиб, нима учун йиғилганларини сўради. Улар ҳазрати Умардан қаттиқ хавотирланганларини айтиб, «Аллоҳга қасамки, Аллоҳ бизнинг умримиздан олиб, Умар розияллоҳу анҳунинг умрига қўшиб беришини хоҳлаймиз», деб жавоб беришди».

«Солиҳлар гулшани» китобидан